

آبونه سرائطی

ممالك عثمانیه ده سنه لکی (۶۵)، آلتی  
آیلفی (۳۵) غروشدر.  
ممالك اجنبیه ده سنه لکی (۸۰)، آلتی  
آیلفی (۴۵) غروشدر.

اداره خانه

باب عالی جاده سنده دائرة مخصوصه

اضطارات

آبونه بدلی پشیندر.

مساکه موافق آثار مع المونیة قبول  
اولنور. درج ابدله بن یازیلر اعاده  
اولونماز.

# الکتاب

اضطارات

رساله مزدن آلتدیفی کوسترک  
شرطیه بتون یازیلر هرمانکی بر  
غزته طرفندن اقتباس اولونه بیلیر.  
مکتوبلرک، امضالری واضح و  
اوقوناقا اولسی، وابونه سره  
نومروسی محتوی بولنسی لازمدر  
ممالك اجنبیه ایچون آبونه اولانلرک  
آدرس لرینک فرانسزجه ده یازلسی  
رجا اولنور.  
باره کوندردلکی زمان نه به دائر  
اولدیفنک واضحاً بیلدیرلسی رجا  
اولنور.

دینی، فلسفی، علمی، ادبی هفته لاق مجموعه اسلامیه در

صاحب و مدیر مسئول

باش محرر

اشرف اریب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد



## مطبوعات

مکتبلرده دین اساسی اوزرینه تربیه

«وایمار» معارف مشاوری قارل مونهسیوس طرفندن یازیلوب ثروت فنون اداره سی معرفتیه ترجمه ونشر اولونان «آلمان مکتبلی» عنوانی رساله دن آتیدکی فقره لازم کلنلرک نظر دقتیه وضع اولنور: «مکاتب عمومیه نیک تدریسات پروغرامی، تدریسات دینی نیک انسام اصلیه دن بولونماسیه بر ماهیت مخصوصه بی حائزدر. آلمانیا، دیگر مملکتلرده بولایینی کی، بونک برینه تدریسات اخلاقیه ای اقمه ایتیه جکدر. هرکس قناعت حاصل ایتشدرکه تدریسات دینی بونک بر قیمتی بولونان نم روحیه نیک انکشافاته معطوفدر. حرب حاضرده آلمانیا نیک اظهار ایتمش اولدینی محتمم منظره قدرت و وحدت، آلمان روحنده جوال بر حسن دینیک موجودیتی کوستردی و دین اساسی، آلمان قوتنک اک مؤثر عواملی میاننده در.»

## مقالات

صرب سفری و شرق

ایشته صرب سفری ختام بولوق اوزرهدر. بر سنهدن برو بونکا کمال تهالکله انتظار اولنیوردی. بو اوچنچی بالقان محاربه سی هیچ شبهه سز حرب عمومینک طالع و مقدراتی بر آن اول ا کمال و تعینیه خدمت ایدم جکدر. برلیندن کابله قدر خطوط مواصله بی تأمین ایدم جک اولان بوسفر جنکجهویانه دن بالجه ملل شرقیه و اسلامیه بک زیاده استفاده ایلیمه جکدر. آرتق مرکزی اوروپا دن استانبول طریقیه شرقیه هر شی سوق و ایصال اولنه جفی مسلمدر. بوسفرک موقعیتله نتیجه لنسی قوه قریبه یه کلشدر. مصر، هندستان، ایران، افغانستان بوحركات حربیه اخیره دن ان شاء الله بحق مستفید اوله جکلردر. بونک ایچوندرکه اوروپاده، خصوصیه ائتلاف پاتختلرنده دهشتی بر خوف و تلاش اورته لنی استیلا ایتش، بر چوق رجال سیاسیه ایلیمه قاینه لرک موقعاری تزلله اوغرامشدر. فرانسه، انکلتزه، ایتالیا مطبوعاتی بالقان وضعیتی حقنده مأیوسانه، بدینانه مطالعاتده بولونمقده، بربرلری تنقید و مؤاخذه ایتکده درلر.

ائتلاف مثلیک سیاستری، بول پارملری، مدعش انتریقه لری بالقان ساحه سنده محکوم افول، بوتون مساعیلری هباوهدر اولدی. بلغارلر آمال ملیه لری استحصال خصوصنده حقیقه بویوک بر عزم و ثبات کوستردیلر. نه ائتلافک مواعید و تهدیدی قاله آلدیلر، نده بول کیسه دن تقدیم ایتدکاری بخششاره قولاق آسیدیلر. بالقان حرکاتی نتیجه سنده انکلتزه و فرانسه بالجوریه چناق قلعه و کلیولی شبه جزیره سنده کی فعالیتلرندن واز کچور، سلاویک عسکر اخراجی مسئله سیله اوغرامشیورلر. فقط نه دن صوکره؟ صربستانی اوچ طرفدن، الی، یدی قولدن احاطه ایدن مدعش المان، اوستریا - مجار، بلغار سونکولری اوقدر التزام سرعت ایتدیلرکه، هفته سنده

صربستانک یاریسنی اشغال وسلانیکدن امداده شتابان اوله جق قوتلرک خط مواصله سنی کسیدیلر. صربستانک برنجی پاتختی اولان بلغراد دوشدی، ایکنجیسی ایسه سقوطه محکوم بر حالده بولونیور. برلین استانبول شاهراهی یاقینده تمامیه آچیله جق و ان شاء الله ائتلافیلرک جدی فلاکتلری باشلایه جکدر.

ایراندن، افغانستاندن کلن مطبوعات او طرفلرک احوال روحیه سیله افکار عمومیه سنی انکلتزه و روسیه علینده هیجانلی، بولوطلی کوستریور. ایران جنوبیه جریان ایدن مصادمات نتیجه سنده بو آنه قدر انکلیزلردن بش بیکی متجاوز تلفات وقوع بولشدر. روسیه و انکلتزه نیک اصفهان و شیراز قونسولوسلری قتل ایدیلرک، بوتون تبعه لری، باقه دیرکتورلری فرار ایدرک طهرانیه کیتمشارد. انکلتزه ایران مجاهدلرینک یومروقلری طانجه خارجه نظارتی مستشاری لورد (سهیل) ایرانیه معاونت لزومندن بحث ایدرک ایرانی. اغفاله چالیشدی. فقط کچمش اولسون. دولت عثمانیه نیک حرب عمومییه اشتراکیه اتفاق حکومتلرینه التحاق هم اسلام حکومت و ملتلری، همده بالقان سیاستی انکلتزه و روسیه علینده آفاقلاندیردی. بوحقیقی انکلتزه نیک اک آغیر باش واک طوغری سویلین (مانچستر غاردیان) و (شرق قریب) غزته لری اعتراف ایتدیلر؛ ادوار غریمک عدم بصیرت نتیجه سی اوله رق اتخاذ ایتش اولدینی طرز سیاستی آچیق و صریح بر صورتده تنقید ایدرک، سرکردن چکیلیمسنی توصیه ایدیلر. روس قونسولوسلرینک رسمی راپورلرینه نظراً افغانستانده آلتش بیک کیشیک بر قوت، بر سمت مجهوله طوغری آماده حرکت و عزیمتدر. روس قونسولوسلری طبعیدرکه افغانستان و ایرانیه دائر اولان نقطه نظرلری کندی حکومتلرینه حسب الوظیفه بیلدیرمش اولدقلر یچون، یلان سویله مشاردر.

ایران جنوبیه باشلایان ملی حرکات ایرانک هر طرفده، هر عنصرنده سرور و هیجانله قارشیلانمشدر. ایران ده موقراتلری طهرانده، کرمانشاهده، همدانده، هر طرفده ملی کوللو آلایلری تحشید ایتکله مشغولدرلر. ایران حکومتی احتمالک وقت مرهونه قدر موضعی بر سیاست تعقیب ایدم جک و ایلک بهار چیچکلری آچیلرکن حقیقی سیاستی، وضعیتی طاقه جق؛ بلغارستان کی ائتلافیلری حیرتدن حیرته القا ایلیمه جکدر. عالم اسلامک کوبکنده بولونان ایرانک ائتلاف علینده آفاقلانسیه، بالطبع آکا مجاور سائر حکومتات و عناصر اسلامیه نیک ده میدان آتیه جکلری شبهه سزدر. ائتلافک بویوک بویوک اردولری هر طرفده مغلوب اولدی، عظیم دونماری هیچ بر ایش کورهدی. یالنکز چناق قلعه ده یوز بیککرجه انسان، بر چوق سفائن حربیه ضایع ایتدیلر. سیاه ستلری هزیمته، نفوذ و حیثیتلری انقراضه محکوم اولدی. آرتق بوتون جهان نظرنده تحقق ایتدی که اوشوکت و عظمت هپ ساخته ایتش، هپ انتریقه و تزویر سایه سنده موقعلری محافظه ایدم بیلورلر مش... ادوار غریمک، ساسانوفه قاووق صالامسی ویولاریف آنک الیه



### مصر احوالی

حرب حاضرک باشلادینی ایلك آیاردہ مصرده مضایقه مالیه ، کویلیلرک باموقلرینی صاته مدقلرندن ملولای ، بتون شدتیه حکمفرما اولمش و ویرکیار ویریلهمه مشدی . بوندن باشقه بانقه لر قابولرینی قاپامش ، آلتون باره کاملاً لوندریه کوندرلمش ایدی . دها هنوز او وقتاردہ مصر حکومتی قیرباحله ویرکی طویلامغه باشلامش ، زوالی اہالی پک مدہش بر عذاب ایچندہ یشامغه محکوم قالمشدی . فقط ہر حالده خزینہ مالیه آلتون طاشیمق ایله مکلف اولان خائن « حسین رشدی » قاینہ سی اہالیدن قادیلرک مجوہرات و آلتونلرینی ویرکی یرینہ قبول ایدہ جکفی رسماً اعلان ایتمک حیا سزلغندہ بولغش وقادیلرک بیلہ ثروتی ، احتراصات شخصیہ سنی تطمین و پک موہوم اولان موقع اقبالی محافظہ ایتمک اوغرندہ ، طویلامغه باشلامشدی . بوحال شامت زوالی مصرک ، وحشی حامیلری ! طرفندن معروض قالدینی مظالم احاکارانه حقندہ بر فکر ویرہ بیایر .

حالبوکہ حرب عمومی اون بشنجی آیہ کیریور . وانکلیرلر خسراندن خسرانہ معروض قالیور . ہرکون مبنای امیدلرینک بر کوشہ سی بیقیلیور . حربی ہزیمتارینہ بردہ سیاسی ہزیمتاری انضمام ایدیور . حاکمیتلری آلتندہ بولناز مستملکہ لردہ بیلہ کپازہ اولیور . بناءً علیہ کون کچدکجہ قودوریور . طینت خیشہ لرنندہ کی ملعت تماماً نظام ایدیور و بوملعتی معصوملر حقندہ شیع بر صورتہ تطبیق ایدیورلر . صرک کونلردہ آلتان حوادندہ ماقسوملک اجراآت ابلیسانہ سی بونک اک ساطع برہانیدر .

بالخاصہ جامع الازہرک ، بو اک اسکی اسلام دارالفنونک قیامسی پک مهم بر حادثہ در . جامع الازہر عالم اسلامک ہر طرفندہ بیوک بر شہرت قازانمش ، بیک سنہ دنبری بیکلر جہ عالم یتشدیرمش بر مؤسسۂ اسلامیہ در . عالم اسلامک ہر کوشہ سندن طلبہ علوم جامع الازہر قوشمش و اورادہ تشنہ روحارینی سیلابہ انوار ایلہ ریان ایتمشدر . بومؤسسۂ اسلامیہ نک قیامسی انکلیرلرک تقرب سقوطنہ بر فال خیردر . انکلیرلرک مقدسات اسلامیہ یی بلا پروا چیکنہ ملری سادہ مصرده دکل ، بتون عالم اسلامدہ مدہش بر انفعاله سیدیت ویرہ جکدر . انکلیرلرک قوتی نہ اولورسہ اولسون بوحادثہ قانی حرکتانہ بادی اولہ جقدر .

انسان نقدر اعتدال دمنی محافظہ یغیرت ایدرسہ ایتسون بوحوادثک قارشیسندہ پر ہیجان کسبیلور . فقط جناب حق ظالملرک بایدقلرندن اصلا غافل دکدر . انکلیرلرک باشنہ بونجہ فلاکتلری ایندیرن معصوملرک انتقامی آلان اللہ ذوالجلال یارین بودولت ملعونہ نک بوغازینی دہ اسلام اردوسنہ چیکنہ دہ جکدر . « وسیع المذین ظلموا ای منقلب ینقلون »

ترک ایتسی ، انکلترہ یی بویله اومولماز کریوہ لرم دوشوردی . بلجیقانک بیطرفلغہ رعایت اولنمدیغندن آلمانیایہ اعلان حرب ایتکہ مجبور قالدیغنی خلقہ یوتدیرمق ، کندیسنی انسانیت ومدنیت حامیسی کوسترمک ایستہ یین انکلترہ ، شیمدی یونانستانہ قارشونہ لریاپیور ، نہ او یونلر اوینایور ! ہانیا حقوق دول ، معاہدات بین الملل ! دیمک کہ منفعت مسئلہ سی اورتہ یہ آتیلنجہ « ہر یاپیلان جائز » قضیہ سی ایاری یہ سورولیور . اودت ، بو حرب عمومیدہ بوتون او خیانت ، مکر و فساد ماسکہ لری یوزلردن ایندیرلدی . ہر حکومتک ، ہر ملتک ماہیتی میدانہ چیقدی . اک صوکرہ ہر کس آکلادی کہ حق ، حقوق . . . اوکی لا قیردیار بوش ایمش ، سوز قوت و قدرتک ایمش . یکرمنجی عصرک یکانہ دستور لایتیری ( الحکم لمن غلب ) و ( القوة للسیف ) دن بشقہ بر شی دکدر . کوجلی ومتین اولق بو عصرک لوازمنددر . ضعف قدر بر جنایت بو عصرده تصور ایدلز . ضعیف دائماً محکوم انقراضدر . بناءً علیہ بو یکی سلاحی بزم فعلیاتیلہ طانتدیرمش اولان ائتلاف دولترینہ قارشو ، بز مسلمانلردہ آتی حقیلہ استعمال ایتکدہ معذورز . ذاتاً فالرہ قارشو ایلك ایتک طوغرو بر حرکت دکدر .

( نکوی با بدان کردن چنانست - کہ بد کردن بجای نیکردان )  
( اذا انت اکرمت الکرم ملکته - وان انت اکرمت اللئیم تمردا )  
بزم وارلغمزہ دشمن اولانلرلہ چاریشمقدن ، انتقام آلمقدن ، اسلامک حیات و استقلالی مدافعہ دن باشقہ چارہ مز قالمامشیدی . بناءً علیہ مرکزی اوروپا دولتلری ہم بزم دوستمز ، ہم دہ دشمنلرمنزک دشمنلری اولدقلرندن آنلرلہ برابر توحید مساعی و منافع ایدرک متوکلاً علی اللہ حربہ آتیلدی ، جہادہ باشلادی . دها شیمدیدن قایتولاسیونلری ، اوتہکم و تحکمملرینی باشمزدن دفع ایتدک . مسلمانلنی بویوک بر فلاکتدن قورتاردق . آرتق مسلمانلر ایچون پک پارلاق بر استقبال وارد . اگر مسلمانلر بو نعمتک ، من عنداللہ بخش اولونان بومظفیریتک قیمتی تقدیر ایدردہ الہ ویرہ رک چالیشیرلرسہ اسلام آرزمان ظرفندہ اورتہ یوکسلہ جک ، اودرجہ مجد و شرف احراز ایدہ جکدر کہ قدرت وشوکتی دنیالری استیلا ایدہ جکدر . واقما دولۃ الخلافہ بویوک فداکارلقرہ قاتلانندی ، بر سنہ دنبری اوروپانک بویوک دولترینہ قارشو کوس کرییور ، اولنرک مدہش مهاجمانہ قارشو وجودندن سپر یاپیور . فقط اعلای کلمۃ اللہ اوغورندہ جان ومالک نہ اہمیتی وار ؟ مسلمانلق ایچون ہرشی فدا . بز ، دولت الخلافہ مسلمانلری ، بوتون جہان اسلامہ قارشو ، سعی وجدیتیزی ، فداکارلغمزری کوستردک ؛ جہادیولندہ رہبرلک وظیفہ سنی بحق ایفا ایتدک . آرتق اسلامک یوکسلمسی ، کسب شان وشرف ایتسی ایستہ یین بوتون اسلام امتلری ایچون بویولہ توجہ ایتک ، خلیفہ نک سنجانی آلتہ طویلانق زمانی کلشدر . هیچ برشی یوقدر ؛ یالکز مسلمانلق وارد . اونک ایچون اولورز ، اونک ایچون شان قازانیرز . دارالخلافہ قبولرندہ وبوتون حدودلرنندہ دشمنلہ چاریشان ہر مجاہدک روخندہ بواہل حکمراندر ؛ سائر اقوام اسلامیہ دن بکلہ دیکمزده بودر . « ان تنصروا اللہ ینصرکم »

س . م . م . توفیق